



Udruženje mladih „Link“

Youth association „Link“

Adresa: Dragiše Trifkovića 2, 75000 Tuzla

Kontakt: +387 62 952 707 | info@um-link.ba

ID: 4210653580001

Banka: 3384402259352273, UniCredit Bank d.d. Mostar

Na osnovu člana 19. Statuta Udruženja mladih „Link“, člana 19. Pravilnika o finansijskom poslovanju i upravljanju sredstvima Udruženja, odredbi Pravilnika o oblicima i načinima angažovanja članova, saradnika i drugih lica, te odredbi Pravilnikama o nabavkama, Upravni odbor Udruženja mladih „Link“, na sjednici održanoj dana 19. juna 2026. godine, donosi:

ODLUKU

o utvrđivanju referentnih iznosa za primjenu internih akata Udruženja mladih „Link“ u 2026. godini

Član 1.

Ovom odlukom utvrđuju se referentni iznosi za primjenu odredbi internih akata Udruženja mladih „Link“ u 2026. godini u kojima su finansijski pragovi određeni procentualno u odnosu na prosječnu neto platu u Federaciji Bosne i Hercegovine.

Član 2.

Za primjenu odredbi Pravilnika o finansijskom poslovanju i upravljanju sredstvima Udruženja, kao osnovica se uzima prosječna neto plata u Federaciji Bosne i Hercegovine za mjesec juni 2025. godine, u skladu sa članom 19. navedenog Pravilnika. Prema podacima Federalnog zavoda za statistiku, prosječna neto plaća za VI mjesec 2025. godine iznosila je 1.577,00 KM.

Na osnovu toga, referentni iznosi za primjenu Pravilnika o finansijskom poslovanju i upravljanju sredstva Udruženja dati su u tabeli, kako slijedi:

Član pravilnika	Obrazloženje	Procentualna odredba / prag	Referentni iznos
Član 5. stav (1) tačka a)	Obaveza izrade godišnjeg plana korištenja slobodnih finansijskih sredstava, kada Udruženje na računu raspolaže slobodnim	75% prosječne neto plate u FBiH za juni prethodne godine	1.182,75 KM

	sredstvima iznad propisanog praga		
Član 8. stav (3)	Iznos do kojeg se slobodna finansijska sredstva mogu trošiti bez prethodne pisane odluke Upravnog odbora po jednoj transakciji	Trećina iznosa iz člana 5. stav (1) tačka a), odnosno efektivno 25% osnovice	394,25 KM
Član 10. stav (3)	Maksimalni iznos pojedinačnog plaćanja platnom karticom bez dodatnog obrazlaganja, osim izuzetaka propisanih Pravilnikom	25% prosječne neto plate u FBiH za juni prethodne godine	394,25 KM
Član 11. stav (6)	Najveći dozvoljeni iznos blagajničkog maksimuma	20% prosječne neto plate u FBiH za juni prethodne godine	315,40 KM

Član 3.

Za primjenu odredbi Pravilnika o oblicima i načinima angažovanja članova, saradnika i drugih lica, kao minimalna referentna osnovica za 2026. godinu uzima se prosječna neto plata u Federaciji Bosne i Hercegovine za mjesec januar 2026. godine. Prema podacima Federalnog zavoda za statistiku, prosječna neto plata za januar 2026. godine iznosila je **1.671,00 KM**.

Imajući u vidu da se odredbe ovog Pravilnika vežu za prosječnu neto platu u Federaciji Bosne i Hercegovine za prethodni mjesec, iznosi utvrđeni ovom odlukom predstavljaju **minimalne referentne iznose za internu primjenu**, dok se kod svakog pojedinačnog angažmana primjenjuje posljednji zvanično objavljeni podatak nadležnog organa za statistiku, ukoliko je isti povoljniji za strožu primjenu Pravilnika.

Na osnovu toga, minimalni referentni iznosi za primjenu Pravilnika o oblicima i načinima angažovanja članova, saradnika i drugih lica dati su u tabeli, kako slijedi:

Član pravilnika	Obrazloženje	Procentualna odredba	Minimalni referentni iznos
Član 9. stav (3)	Iznos mjesečne naknade naknade do kojeg se angažovanje može pokrenuti na osnovu usmenog dogovora sa ovlaštenim licem Udruženja, uz obavezu da se prije početka rada definišu vrsta ugovora, trajanje, opis posla i iznos naknade	35% prosječne neto plate u FBiH za prethodni mjesec	584,85 KM
Član 9. stav (6)	Iznos mjesečne naknade iznad kojeg je, kod angažmana članova Upravnog odbora ili Predsjednika Udruženja, potrebno donijeti pisanu odluku o angažovanju kojom se potvrđuje opravdanost angažmana i odsustvo potencijalnog sukoba interesa.	30% prosječne neto plate u FBiH za prethodni mjesec	501,30 KM

Član 4.

Za primjenu odredbi Pravilnika o nabavkama, kao osnovica se uzima prosječna neto plata u Federaciji Bosne i Hercegovine za mjesec juni 2025. godine, u skladu sa članom 17. navedenog Pravilnika. Prema podacima Federalnog zavoda za statistiku, prosječna neto plaća za VI mjesec 2025. godine iznosila je **1.577,00 KM**.

Na osnovu toga, referentni iznosi za primjenu Pravilnika o nabavkama dati su u tabeli, kako slijedi:

Član pravilnika	Obrazloženje	Odredba / prag	Referentni iznos
--------------------	--------------	----------------	---------------------

Član 6. stav (4) tačka a)	Iznos do kojeg se direktni sporazum može smatrati zaključenim prilaganjem računa ili druge vjerodostojne finansijske dokumentacije, bez obaveznog zaključivanja posebnog ugovora	Do visine prosječne neto plate u FBiH za šesti mjesec prethodne godine	do 1.577,00 KM
Član 6. stav (4) tačka b)	Iznos iznad kojeg je kod direktnog sporazuma potrebno zaključiti ugovor, jer vrijednost nabavke prelazi iznos prosječne neto plate.	Preko visine prosječne neto plate u FBiH za šesti mjesec prethodne godine	1.577,00 KM
Član 7. stav (1)	Prag iznad kojeg se provodi konkurentski postupak nabavke	Veće od 5.000,00 KM	preko 5.000,00 KM

Član 5.

Ova odluka stupa na snagu danom donošenja i biti će istaknuta na zvaničnoj web stranici Udruženja.

U Tuzli, 19. juna 2026. godine

Broj: 34/2026

Predsjednik Upravnog odbora
Belmin Tukić

M.P.